



كوفراسي كساتوان كوروملايو ماليسيا بارات برهد

KOPERASI KESATUAN GURU-GURU MELAYU MALAYSIA BARAT BERHAD
Bangunan KGMMB, No. 720 Jalan Sentul, 51000 Kuala Lumpur.
Tel: 03-40411723/25, 03-40453743/75 Fax: 03-40411730

**MINIT MESYUARAT AGUNG KOPERASI KGMMB BERHAD
KAWASAN NEGERI SEMBILAN KE-15: 2025**

TARIKH : 18 Mei 2025
MASA : 9.00 pagi
TEMPAT : SMK Dato' Hj Mohd Redza, Jalan Dato' Syekh Mohd Murtadza, Seremban, Negeri Sembilan
KEHADIRAN: 237 orang anggota

TURUT HADIR:

1. Cikgu Hj. Abdullah bin Mamat Timbalan Pengerusi Koperasi
2. Cikgu Hj. Mohd Said bin Hussin Bendahari koperasi KGMMB Bhd
3. Cikgu Mohd Haszam bin Mohd Husin ALK

PENGACARA MAJLIS : Cikgu Hjh. Zalifah binti Kadir (27174)

Mesyuarat dimulakan dengan nyanyian lagu Negaraku dan diikuti dengan lagu Negeri Sembilan, lagu rasmi Suruhanjaya Koperasi Malaysia dan disertai dengan lagu Kami Guru Malaysia .

AGENDA 1: DOA;

- 1.1 Mesyuarat dimulakan dengan bacaan doa oleh Cikgu Syamsul Arif bin Radzali agar mesyuarat ini diberkati Allah SWT.

AGENDA 2: UCAPAN PENERUSI KAWASAN;

- 2.1 Mesyuarat dimulai oleh Pengerusi Kawasan, Cikgu Mohd Faisal bin Baharim (27421) mengucapkan selamat datang dan terima kasih atas kehadiran Timbalan Pengerusi, Cikgu Hj Abdullah bin Mamat, Bendahari Koperasi, Cikgu Hj Mohd Said bin Hussin, ALK Johor Cikgu Mohd Haszam bin Mohd, Pengetua SMK Dato' Hj Mohd Redza, Puan Norhayati binti Md

Darus serta semua anggota dan staf koperasi yang hadir dalam mesyuarat agung kawasan kali ke-15 tahun 2025.

- 2.2 Pengerusi berharap ahli KGMMB dan anggota koperasi sama-sama berkempen untuk menarik lebih ramai guru-guru baru menyertai koperasi di mana komisen sebanyak RM50 akan diberikan bagi kemasukan ahli baru untuk KGMMB serta anggota baru koperasi.
- 2.3 Pengerusi juga menyatakan faedah dan kebajikan lain yang diberikan oleh koperasi seperti TPKA untuk anak melanjutkan pelajaran, kecemerlangan dalam pelajaran, kematian, hospital, bencana alam, umarah/haji dan derma kematian. Borang tuntutan ini boleh diperolehi melalui laman web koperasi atau berhubung terus dengan staf koperasi. Dalam masa yang sama, anggota digalakkan untuk menyemak dan mengemaskini nama waris.
- 2.4 Bagi pembayaran yuran anggota yang sudah bersara pula, pengerusi menggalakkan anggota tersebut membayar yuran pada awal tahun dengan jumlah yuran setahun.
- 2.5 Pengerusi juga menggalakkan anggota koperasi menyalurkan maklumat berkenaan peluang perniagaan yang boleh dilaksanakan oleh koperasi. Maklumat tersebut boleh disalurkan melalui ahli-ahli perwakilan yang dilantik agar usul boleh di bawa ke MAPT. Akhir kata, pengerusi merakamkan ucapan terima kasih kepada semua anggota yang dapat menghadiri mesyuarat pada hari ini.

AGENDA 3: UCAPAN WAKIL KOPERASI KGMMB BERHAD;

- 3.1 Timbalan Pengerusi Koperasi KGMMB Berhad Cikgu Hj. Abdullah bin Mamat mengalu-alukan kehadiran anggota Koperasi yang hadir pada hari ini.
- 3.2 Timbalan Pengerusi memaklumkan bahawa keuntungan koperasi pada tahun berakhir 31 Disember 2024 menunjukkan peningkatan berbanding tahun sebelumnya iaitu RM5,166,554.00 berbanding RM4,194,521.00 pada tahun 2023 iaitu meningkat sebanyak RM972,033.00 (23.17%). Pendapatan koperasi tahun ini ialah RM6,921,014.00 dan perbelanjaan sebanyak RM1,754,461.00. Koperasi dapat mengurangkan perbelanjaan sebanyak 33% daripada tahun sebelumnya.

- 3.3 Timbalan Pengerusi memaklumkan sumber pendapatan lain koperasi ialah daripada Unit Pengguna RM251,993.00, Unit Pembangunan rugi RM86,802.00 dan Unit Hotel juga menunjukkan kerugian RM83,093.00 pada tahun 2024.
- 3.4 Timbalan Pengerusi menyarankan bagi memastikan koperasi terus mencapai keuntungan, koperasi perlu mengukuhkan strategi perniagaan selain pembiayaan kepada anggota dalam pembiayaan peribadi, pembiayaan khas dan pembiayaan pengguna serta sewaan bangunan. Aktiviti perniagaan lain seperti;
- 3.4.1 Merangka pembangunan hartanah di Lanchang, Pahang yang berkeluasan 6 ekar dalam dalam proses mendapatkan Kelulusan Merancang dan di Kampung Gemuruh, Terengganu berkeluasan 4 ekar dipecahkan kepada 18 lot dan untuk dijual kepada anggota.
- 3.4.2 Pusat dialisis usahasama dengan MyAngkasa Dialisis Sdn. Bhd. yang mana koperasi memegang pelaburan 40% di Sg. Tong, Terengganu. Insyaallah dengan izin Allah pusat ini akan dapat dijalankan dalam tahun ini.
- 3.4.3 Unit Hotel koperasi kita telah diserahkan pengurusannya kepada Syarikat DRH Group Sdn Bhd yang mempunyai kemahiran dalam bidang perhotelan.
- 3.5 Timbalan Pengerusi memaklumkan rasa syukur kerana koperasi telah 5 kali tersenarai dalam 100 koperasi terbaik Malaysia. Bagi tahun 2024 koperasi berada dikedudukan ke-40 antara 100 koperasi terbaik di seluruh Malaysia.
- 3.6 Timbalan Pengerusi seterusnya memaklumkan keanggotaan koperasi pada tahun berakhir 31 Disember 2024 adalah seramai 19,190 orang meningkat seramai 154 orang berbanding tahun sebelumnya iaitu 19,036 orang. Bagi memastikan Koperasi KGMMB Berhad ini kekal relevan usaha-usaha menambah keanggotaan giat dijalankan, salah satu cara ialah dimana koperasi bekerjasama dengan agen-agen insurans dan juga wakil-wakil yang dilantik dikalangan guru-guru atau orang perseorangan bagi mencapai sasaran 30,000 anggota pada tahun 2025. Koperasi menawarkan imbuhan RM30.00 dan KGMMB RM20.00 berjumlah RM50 bagi sesiapa yang berjaya membawa masuk anggota baru.
- 3.7 Timbalan Pengerusi memaklumkan aktiviti utama koperasi iaitu pembiayaan sebanyak RM16,520,554.35 juta kepada anggota bagi tahun 2024 pengurangan sebanyak RM416,584.54 berbanding tahun 2023 dengan pecahan RM7,030,348.45 pembiayaan pengguna, RM4,318,750.00 pembiayaan peribadi dan pembiayaan khas sebanyak RM5,161,000.00 dan insurans kenderaan sebanyak RM10,455.90.

- 3.8 Timbalan Pengerusi juga memaklumkan dalam koperasi giat menjalankan perniagaan koperasi juga tidak lupa untuk menjaga kebajikan anggota di bawah TPKA sebanyak RM1,718,840.00 telah diberikan kepada anggota bagi tahun 2024. Pecahan perbelanjaan ini ialah melanjutkan pelajaran RM460,300.00, kecemerlangan RM226,500.00, bencana alam RM9,900.00, kematian RM171,000.00, faedah hospital RM55,340.00, faedah bersara RM709,600.00 dan Haji/Umrah RM86,200.00. Mulai tahun 2019 yuran DK dinaikkan daripada RM3.00 sebulan kepada RM6.00 dan sumbangan kematian juga ditingkatkan daripada RM10,000 kepada RM20,000 untuk kematian biasa dan RM30,000 kematian akibat kemalangan.

Dengan sokongan daripada anggota dan staf diharapkan perniagaan koperasi akan terus bertambah maju dan memohon maaf jika ada salah dan silap. Akhir kata dengan lafaz Bismillah, Timbalan Pengerusi merasmikan mesyuarat Agung Kawasan kali ke-15 dengan harapan mesyuarat berjalan lancar dan dipermudahkan oleh Allah SWT.

AGENDA 4: MELANTIK SEORANG PENERUSI MESYUARAT;

- 4.1 Pengerusi Kawasan, Cikgu Mohd Faisal bin Baharim (27421) melantik diri sendiri sebagai Pengerusi Mesyuarat dan dipersetujui oleh semua anggota Koperasi yang hadir.

AGENDA 5: MELANTIK SEORANG PENCATAT MINIT;

- 5.1 Mesyuarat bersetuju melantik staf dari ibu pejabat koperasi iaitu Pn. Izzah Izyan binti Jaafarudin sebagai pencatat minit mesyuarat.

AGENDA 6: MENGESAHKAN MINIT MESYUARAT KAWASAN KE-14 (2024);

- 6.1 Cikgu Hj. Zalifah binti Kadir (27174) membentangkan minit mesyuarat agung kawasan Negeri Sembilan ke-14 (2024) pada 28 April 2024 yang diadakan secara Teams Webinar.

Cadangan: Cikgu Md Kahar bin Kasim (24839)

Sokongan: Cikgu Mohd Zamri bin Abdul Aziz (37794)

AGENDA 7 : MEMBENTANGKAN LAPORAN TAHUNAN DAN DERAF AKAUN BERAKHIR 31 DISEMBER 2024;

- 7.1 Bendahari koperasi membentangkan deraf akaun berakhir 31/12/2024 dari muka surat 34 hingga muka surat 41 dengan merujuk perkara berikut;
- Muka surat 34, jumlah pelaburan lain tidak dimasukkan kerana jumlah tersebut dinyatakan pada muka surat 39.
 - Ralat pada muka surat 20, jumlah peningkatan yuran anggota sebanyak RM1,504,110.00 bukan RM1,503,110.00 seperti yang tercatat peningkatan sebanyak 0.02%.

Laporan akaun ini hanya deraf untuk pembentangan sahaja yang akan dibincangkan oleh perwakilan pada MAPT Julai 2025.

Mesyuarat bersetuju menerima laporan tahunan dan deraf akaun koperasi dari muka surat 1 hingga muka surat 41.

AGENDA 8 : MEMBENTANGKAN BAJET TAHUN 2026 UNTUK DIBENTANGKAN DI DALAM MESYUARAT AGUNG PERWAKILAN TAHUNAN;

- 8.1 Bendahari membentangkan bajet tahun 2026 dari muka surat 29 hingga muka surat 33.

Bajet 2026 menyasarkan keuntungan sebanyak RM4,249,929.00 daripada pendapatan RM6,955,753.00 dan perbelanjaan sebanyak RM2,705,824.00.

Mesyuarat menerima bajet tahun 2026 dari muka surat 29 hingga muka surat 33.

AGENDA 9 : CADANGAN PINDAAN KEPADA UUK;

- 9.1 – Tiada -

AGENDA 10: MELANTIK ANGGOTA PERWAKILAN ;

- 10.1 Pengerusi memaklumkan 9 orang perwakilan Negeri Sembilan termasuk seorang ALK sedia ada yang dilantik untuk menjalankan tanggungjawab yang diamanahkan dalam mesyuarat Agung Perwakilan Tahunan yang dijangka akan diadakan pada Julai 2025 di Wilayah Persekutuan Kuala Lumpur seperti senarai berikut;

- 10.1.1 Cikgu Mohd Faisal bin Baharim (27421)
- 10.1.2 Cikgu Hj Nasri bin Ramli (25058)
- 10.1.3 Cikgu Md Kahar bin Kasim (24839)
- 10.1.4 Cikgu Mohd Zamri bin Abdul Aziz (37794)
- 10.1.5 Cikgu Hamzah bin Hj. Koleh (04991)
- 10.1.6 Cikgu Zalifah binti Kadir (27174)
- 10.1.7 Cikgu Raja Sharikee bin Raja Abdullah (37349)
- 10.1.8 Cikgu Mohamad Asri bin Abd Majid (21985)
- 10.1.9 Cikgu Zakiah binti Ali (38498)

AGENDA 11: MENIMBANG USUL-USUL DARI LEMBAGA DAN ANGGOTA;

11.1 USUL ALK 2025 – CADANGAN PINDAAN KEPADA UNDANG-UNDANG KECIL KOPERASI

Anggota Lembaga Koperasi membuat usul supaya perkara 60 (1), modal syer dipinda kepada berikut;

UUK yang asal;

- 60. (1) Menurut perenggan 50(b) Akta, setiap anggota hendaklah melanggan RM100.00 (Ringgit: Satu Ratus Sahaja) syer sebagai sumbangan minimum yang hendaklah dijelaskan dalam tempoh yang dinyatakan menurut 34 fasal
- (2). Syer minimum ini tidak boleh dikeluarkan kecuali selepas keanggotaan anggota itu tamat. (2) Tempoh menjelaskan syer minimum menurut fasal (1) adalah sebagaimana berikut: (a) (b) Yuran 61. seseorang yang turut sama di dalam permohonan pendaftaran Koperasi ini atau yang telah menandatangani minit mesyuarat agung permulaan Koperasi hendaklah menjelaskan syernya dalam tempoh tiga bulan dari tarikh perakuan pendaftaran diterima oleh Koperasi; dan seseorang yang diterima menjadi anggota menurut Undang undang Kecil 15 hendaklah menjelaskan syernya dalam tempoh tiga bulan dari tarikh penerimaannya sebagai anggota.

Cadangan pindaan; Modal Syer ditingkat kepada RM1,000.00

Rasional Meningkatkan Modal Syer Koperasi - Modal syer merupakan antara sumber kewangan utama bagi sesebuah koperasi. Peningkatan modal syer memainkan peranan yang amat penting dalam memperkukuh kedudukan kewangan koperasi serta menjamin kelangsungan operasinya dalam jangka masa panjang. Rasional utama mengapa langkah ini wajar dilaksanakan;

Pertama, peningkatan modal syer dapat meningkatkan keupayaan kewangan koperasi. Modal yang mencukupi membolehkan koperasi menjalankan operasi harian dengan lebih lancar dan melaksanakan pelbagai aktiviti perniagaan serta pelaburan yang berpotensi menjana keuntungan. Ini secara langsung menyumbang kepada pertumbuhan koperasi dari segi pendapatan dan aset.

Kedua, modal syer yang kukuh dapat mempertingkatkan daya saing koperasi di pasaran. Dengan kewangan yang lebih stabil, koperasi berupaya untuk memperluas perkhidmatan, menambah baik produk, serta meneroka peluang-peluang perniagaan baru. Contoh pertanian, perladangan (kelapa sawit). Ini penting agar koperasi dapat kekal relevan dan berdaya saing dalam persekitaran ekonomi yang semakin mencabar.

Selain itu, modal yang tinggi juga membolehkan koperasi melabur dalam projek-projek pembangunan yang berskala besar serta berimpak tinggi. Ini termasuk pembelian aset tetap, pembangunan hartanah, atau usaha sama dengan entiti lain yang dapat memberi pulangan lumayan dalam jangka panjang. Pembinaan stesen minyak juga akan meningkatkan keuntungan kepada koperasi. Tambahan pula, peningkatan modal syer boleh memberi manfaat secara langsung kepada anggota koperasi. Keuntungan yang diperoleh hasil daripada pelaburan dan operasi koperasi berpotensi untuk dikembalikan kepada anggota dalam bentuk dividen yang lebih tinggi. Ini sekali gus menggalakkan penglibatan aktif anggota dalam koperasi.

Akhir sekali, modal syer yang kukuh mengurangkan kebergantungan koperasi kepada pembiayaan luar, terutamanya pinjaman yang mungkin mengenakan kadar faedah tinggi. Ini membantu koperasi mengurus risiko kewangan dengan lebih berkesan dan mengekalkan kestabilan kewangan jangka panjang.


AGENDA 12: MELANTIK AHLI JAWATANKUASA KAWASAN;

12.1 Pengerusi Mesyuarat memaklumkan 9 AJK kawasan Negeri Sembilan terdiri dari perwakilan yang dilantik.

AGENDA 13 : UCAPAN PENANGGUHAN;

Mesyuarat ditangguhkan pada jam 10.50 pagi dengan ucapan terima kasih kepada semua yang hadir dalam mesyuarat.

Minit dicatat oleh :



(Izzah Izyan binti Jaafarudin)
Eksekutif Pentadbiran

Minit disahkan oleh :



(Cikgu Mohd Faisal bin Baharim)
Pengerusi Kawasan Negeri Sembilan